

AD CARDINALITIAM.  
QVÆSTIO MEDICA MATVTINIS DISPUTATIONIBVS AGITANDA  
IN SCHOLIS MEDICORVM, DIE IOVIS XXIII. FEBRVARII M. IOANNE RIOLAN  
DOCTORE MEDICO, ET PROFESSORE REGIO, MODERATORE.

*An vrina inspectio, certior quàm pondus, & destillatio?*

**N**VLVM est alimentum adeò simile, quod non habeat aliquid dissimile: Id natura singulis coctionibus secernit, vti purius & defæcatus partibus subministratur. Indè prouentus triplicis coctionis excrementorum. Primæ quæ in ventriculo perficitur, excrementum stercus, ex putredine foetus, in gracilibus intestinis à puro chylo segregatur; In crassis sub jecore, ventriculo, liene coaceruatur, vbi status sapius à calore generantur. Secundæ coctionis in hepate viparenchymatis, triplex sanguinis purgamentum secernitur: Bilis subtilior ad vitæ diuturnitatem necessaria, in cysti reconditur, Melancholicus humor per ramum splenicum ad lienem, alterum hæmatoseos fontem deferitur, Tertium vrina ad renes vndique corriuatur. Tertiæ coctionis duplex excrementum per insensibilem transpirationem excernitur, sordes, & sudor, qui potius ab internis partibus natiuo roremadentibus expressus, caloris impetu expellitur, quàm virtute medicamentorum *id est* calidorum & frigidorum elicitur.

**E**S t autem vrina hepatis & lienis excrementum, ex materiâ potulentâ & spirituosâ in venis & arteriis alteratâ, quod partim ab illis visceribus reijcitur, partim à renibus emulgetur: vbi percolatum propriamque formam adeptum, per vtreteres ad vesicam deducitur, propterea partium à quibus defluit affectiones certius indicat, quàm aliarum, putà thoracis, cerebri morbos, in quibus fallaces sunt vrinæ vt in febris malus, quem diureticis acrioribus abigere periculosum, frangere impossibile.

**V**RINA partium internarum affectus ostendit, sapore, odore, colore, pondere, & destillatione. Suam æger vel alius degustet si libuerit, vt referat medico quem non decet vrinam ægri delibare nequidem odorari, nisi κοινωδῶς audire velit & cum mundicie & gratijs studere debeat, αἷμα καὶ μυστὰ ῥήγνῃ. Nunquam foeda hæc & noxia remedia, hominis vrinam & stercus deuorare suadebît, quod faciant qui gemmas in sterquilinijs spagyricè quærunt. Color vrinæ honestus atque certius signum est, à medico diligenter expendendum, cum ab humorum variâ permissione, intercedente calore proinde varietatem colorum à diuersitate salis ineptum repetere.

**E**X PONDERE vrinæ hominis sani collato cum æquali pondere vrinæ eiusdem ægrotantis nihil certi depræhendes, quum vrina inchoantibus morbis, modò tenuis & aquea, ac proinde leuior meitur, quando subest obstructio. Modò crassa & turbida, ideoque ponderosior quum adest summa humorum perturbatio & confusio; nec deiectiones quantitate sed qualitate & *ἀφωδῶς* metiri oportet. Quare nugantur qui ex corporis pondere grauiore aut leuiore, aduersam valerudinem imminuent staticâ suâ medicinâ prænoscere gloriantur, quum iciumum corpus, aut exinanitum hæmorrhoidum vel menstruorum fluore, pòderosius euadat potestque pòdus idem seruare totâ sanguinis massâ corruptâ, vel alicuius partis actione læsâ; Imò pari pondere permanente perire. Ideòque remediorum iusta quantitas ex pondere corporis & excrementorum depromi nequit. Ridiculum etiam ex vrinâ destillatâ iudicium, quamuis in corpore humano quodlibet membrum suum habeat excrementum, toti vrinæ permistum; nulla tamen ratio est, cur vapores ascendentes certam cucurbitæ partem ex tuâ descriptione situ respondentem parti affectæ, speciem & naturam affectus referre queant. Nec vrinæ resolutio in tres substantias, vaporosam siue sulfuream, aquosam siue mercurialem, terream siue tartaream, ad diagnosim morborum certius aliquid designabit.

**V**OD si tota consideretur vrina, certissima dabit affectus partisque affectæ indicia, salutis mortisque prælagia. Obseruabis verò in vrinâ liquorem, & contentum. In liquore substantiam, quantitatem, & qualitatem. Contentum est quidquid crassius in vrinâ continetur, quod est essentiale, illudque triplex, naturâ & ratione loci distinctum. Hypostasis Enæorema, & Nebula. Vel accidentale aliundè adueniens, vtarenulâ à venis & renibus prodeuntes, pinguedo, purulentia. Itaque si fuerit vrinæ substantia moderatè crassa, quantitas mediocris, color subruffus, sapor salus, absque graueolentia, hypostasis crassa, æqualis, & alba, enæorema & nebula candida. Talis vrina optima & laudabilis sanitatem attestatur, quæcunque verò ab ea degenerabit, morbum præsentem aut imminuentem denuntiabit.

*Ergo vrina inspectio, certior quàm pondus, & destillatio.*

Proponebat Lutetiæ FRANCISCVS MANDAT Turonensis, anno R. S. H. M. DC. XVII.